



सानसेयारि "बड'सा" खरीलाइयाव
स्नाज्यादि जिज्जो लोब्बा थानाय रायथाय, खन्थाय,
सल', सल'बाथा आरु दावबायादि थावनि, पार्क
बाइदिनि स्नायाव लिन्नाय लिन्बिदां दैथाय डर/
सानसेयारि "बड'सा" खरीलाइया खेवखानानै
फोस्वावगोब।

बड'सायाव लिन्ठरनायनि हुबा खालाम,
"बड'सा" खरी नोथी, जो बयबो आंगो खालाम।

सानसेयारि बड'सा मावखुलि

माइब नोगोर, जोहोलाव देमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Tuesday ★ 23 January, 2024 Kokrajhar, BTC, Assam ★ Vol.-33, Issue No. 295 ★ R.N.I. Regd.No. 40994/91, Assam Govt. Regd.No.IPRD.40/2006/3, ★ Rs.8/-



बांदिने मिथिनो यावाय स्केन खालाम

हमारा संकल्प विकसित भारत

मदि सरकारनि गेरन्टि

बेंगुराफोरनो सन्मान

26 लाख बेंगुरा सुबुंफोरनो समाजारि गोहो होनाय बादानि गेजेरजों मदत-हेफाजाव आरु आइजें-आइला गथायदों

अयध्याआव राम मन्दिर बेखेवनायनि गोथाराव सानावनो कक्राझारावबो राम मन्दिर गायसन्नो अन्थाइ खाम्फा गायसन्दों

कक्राझार, 22 जानुवारी:
बोसोर-बोसोर नेनायनि उनाव
500 बोसोरनि उनाव 22
जानुवारी 2024 इ माइथायाव
रामनि जोनोम थावनि
अयध्याआव राम लाल एबा राम
मन्दिरखौ बेखेवनाय जायो।
मख'नो गोनांदि, बिटिसिनि
गाहाइ मावखुलि एबा सदर
थावनि कक्राझार सहरनि गुबुन
गुबुन जायगायाव रामचन्द्र प्रान



एबा मन्दिर बेखेवनायखौ लानानै
रंजानायनि दोहो सोमजिदों।
दिनैनि राम मन्दिर बेखेवनाय
हाबाफारिखौ लोब्बा लाखिनानै
कक्राझार सहरनि गोबां
राइज्योफोरनो गाव-गावसोरनि
न'आव रामचन्द्र आरु हनुमाननि
सावगारि गोनां फिर्फिलाखौ
बिरहोनायजों लोगोसे नो
सुबुंफोर गाव-गावसोरनि गारि-
(□ 5 बिलाइआव)



गिबि मन्थि ऊ हिमन्त विश्व शर्मा आ फतासिननि हरिजन कलनीआव खुंनाय दिनै
आयध्याआव राम मन्दिर बेखेवनायनि लाइभ हाबाफारिआव बाहागो लादों।

कलाइगावआव रोजा-रोजा राम भगतफोरा जय श्री राम धनि होनानै हान्जा सुदों

कलाइगाव, 22 जानुवारी:
500 बोसोरनि उनाव
आयध्याआव राम मन्दिरनि थान
गायसन्नाय जावाय। दिनै
दुलाराइ भारत वर्षजों लोगोसे
बिटिआरनि बेंखनआव थानाय
उदालगुरि जिल्लानि
कलाइगावआवबो रंगिना-
संगिना आरु रंजा-बाजा



दिपाबलि बायदि थासादि
सोमजिखाडो। जिल्लानि
फारफोमथिबो श्री रामनि
फिर्फिलाखौ नख'र-नख'र,
दखान एबा गलाफोराव
फिर्फिला बिरहोनायखौ नुनो
मोन्दों। बेनि अनगायैबो
(□ 5 बिलाइआव)

गसाइगाव सहराव राम मन्दिरनि थान गायसन्नाय हाबाफारिखौ लोब्बा लाखिनानै गोबां मन्दिरफोराव आलारि बाथि सावदों



मोनसे रंजा-बाजानि थासादि सोमजिनायखौ नुनो मोन्दों। मख'नो
गोनांदि, गसाइगाव सहरनि फालांगि आफादिनि बान्जायनायाव दिनै
फुंभिलि समाव श्रीरामनि मुसुखा गायसन्नानै फुजा खालामनाय
आरु जय आहुति होनाय जायो। अयध्यानि राम मन्दिराव भारतनि
गाहाइ मन्थि नरेन्द्र मदिआ श्रीराम मन्दिरनि थान गायसन्नाय आरु
बेखेवनाय हाबाफारियाव सिबियारिफोरनो दिन्थिनो राहा लानाय
आरु जानाय-थानायनि जर'खा राहा खालामनाया धोरोमारि फोर्बो
बायदि थासादि सोमजिखां होदों। बेनि अनगायैबो आरएसएसनि
बान्जायनायाव नाथ मन्दिराव थानाय शिव मन्दिराव जय आहुति
होनायनि अनगायैबो 1100 हनुमान सालिसा पाट हाबाफारि लानाय
जायो। बे हाबाफारियाव विजेपि कक्राझार जिल्ला कमिटिनि लेखइ
आफादिगिरि जेटमल माल्लुआ नुजाथिनानै अयध्यानि राम मन्दिरनि
श्री राम चन्द्र थान फसंनयनि (□ 5 बिलाइआव)

गसाइगाव, 22 जानुवारी: अयध्याआव राम मन्दिर गायसन्नाय
आरु बेखेवनाय हाबाफारिजों लोब्बा लाखिनानै गसाइगाव महकुमा
सदर सहरनि गुबुन गुबुन ओन्सोलयाव दिनै फुंभिलिनिफ्रायनो

केशब डेका गोसोखां गुदि फरायसालियाव रेनु ब्रह्म गोसोखां गाहाइ दरखं लुनो अन्थाइ खाम्फा गायसन्दों

गसाइगाव, 22 जानुवारी:
गसाइगाव सदर सहरनि 4 नं
वार्डनि महाराजपुर तिनिआलि
फोनांजाव केशब डेका गोसोखां
एलपि फरायसालिनि गाहाइ
दरखं लुनो थाखाय अन्थाइ
खाम्फाखौ गायसन्नानै होयो
गागि थुनलाइगिरि, बर' थुनलाइ
आफादिनि बारा' आफादिगिरि
आरु गसाइगाव फरायसालिमानि
(□ 5 बिलाइआव)



राम मन्दिर बेखेवनायनि लोब्बायै बासुगावआवबो मेहेर गोनां हाबाफारि खुदों

बासुगाव, 22 जानुवारी: दिनै आयध्याआव
गाजा-गोमजायै श्री राम मन्दिरखौ बेखेवनाय
जायो। बेखौ लानानै नो दिनै हादत नाडै-नो
रंजाखानायनि थासादि सोमजिदों। बे बायदिनो
चिरां जिल्लानि बासुगावआवबो रंजा-बाजा
थासादि सोमजिनायखौ नुनो मोन्नाय जादों।
राम मन्दिर बेखेवनायनि लोब्बायै दाब-दाब
जायगाफोरजों लोगोसे बासुगावआवबो बायदि
रोखोमनि हाबाफारि खुंनाय जायो। बासुगाव-
सालाकालि लामानि अर खोमोस्रा हान्जानि
खाथियाव दिनै फुंनि (□ 5 बिलाइआव)

कुमारिखातायाव अयध्याआव राम मन्दिर गायसन्नायखौ लानानै आर'ज गावनाय आरु मेथाइ खन्नाय हाबाफारि लादों



कुमारिखाता, 22 जानुवारी:
अयध्याआव राम मन्दिर
गायसन्नानै बेखेवनाय
हाबाफारिजों लोब्बा लाखिनानै
तामूलपुरावबो आसार्यकुलम
कुमारिखातायावबो दिनै

फुंभिलिनिफ्रायनो धोरोमारि
सिबिनायनि थासादि
सोमजिखाडो। दिनैनि राम मन्दिर
बेखेवनायखौ बरायनायनि मुडव
आरु रामनि थान फसंनयखौ
लानानै राम भजन बन्धना आर'ज

मेथाइ बायदिफोरजों कुमारिखाता
ओन्सोलआ गोमखाडो। बे
हाबाफारियाव कुमारिखातानि
बेन्दोंयाव थानाय
फरायसालिफोरनि फरायसा-
फरायसुलि आरु
सामलायगिरिफोरजों लोगोसे
नख'रनि दिथागिरिफोरा
जथुमनानै हुम जय लक्षननि
भाव दिन्थिफुंनायाव
(□ 5 बिलाइआव)

राम मन्दिर बेखेवनायनि मुडै बजालिनि रायपुरआव

गोदानै लुनाय शिव मन्दिरखौ बेखेवदों

भवानिपुर, 22 जानुवारी:
आयध्याआव राम मन्दिर
बेखेवनाय दिनैनि जर'खा
सानजों लोब्बा लाखिनानै
बजालि जिल्लानि रायपुरआव
गोदानै लुनाय शिव मन्दिरखौ
बेखेवनाय जायो। रायपुरनि
थागिरि नरेन दासआ गावनि
न'नि लांगोनायाव राइजो-
राजाफोरनि थाखाय गोदानै
लुनाय शिव मन्दिर बेखेवनाय
हाबाफारिखौ मन्दिरनि दरखंखौ
बेखेवनाय होयो हाडलि सिनियर
सेकेण्डरि फरायसालिनि गोरयुं
अनिल चन्द्र कलिताआ।
(□ 5 बिलाइआव)

कक्राझारआव नानि हाथाय बेखेवनायखौ लानानै दुंहाव थासादि

कक्राझार, 22 जानुवारी: दिनै
राम मन्दिर बेखेवनायनि
लोब्बायै मोनाबिलिनि 4
रिंगासिम ना-बेदर फान्नाय-
बायनाय हाथायखौ बन्द
खालामनो बिथोन होनायनि
हैथायै कक्राझार सहराव माखासे
ना फालांगिरिफोरा नानि हाथाय
बेखेवनायखौ लानानै दुंहाव
(□ 5 बिलाइआव)





आसाम सरकार

गोथार बाथौ दिवश

(गोथार बाथौ स्नान)



बर'फोरनि धोरोमारि फोर्बो गोथार मंगलबार बाथौ साननि मुडै
बर' फंबाय-बिनानावफोरजों लोगोसे दुलाराइ आसामआरिनििसिम
गोर्बोनिफ्राय गाहाम हामब्लायथि जासिबाय।
बे फोर्बोआ बयनिबो जिउआव सुखु, गोजोन आरु खौसेथि लाबोथों।

23 जानुवारी 2024

ऊ हिमन्त विश्व शर्मा
गिबि मन्थि, आसाम

फोरमायथाय आरु सुबुं फोनांजाव विथोनगिरि मावख', आसामजों फोसावजानाय Connect with us @diprassam dipr.assam.gov.in
आसाम वार्ता सावस्क्राइव खालामनो थाखाय 828712158 आब Assam लितानै वाटसएप खालाम

